

六合縣續志稿卷十二

人物志上 補前志

伍尚 專諸 阮長之 阮孝緒 阮卓 白璞 成廷珪

胥自勉 字子煥 吳宗周 字嘉禎 汪鉉 子惺裔 孫經殊 閏季吳氏

補遺 劉體君 字子煥 陳燮 戴國瑞時珍

周伍尚楚人也食采於棠世謂之棠君大父舉相靈王以邑氏亦

曰椒舉 椒今全椒與棠近故定伍氏為江北人 父奢為太子傅平王信讒將殺太子

名奢考 之奢曰王奈何以讒賊小臣疏骨肉之親孚王怒囚奢

太子出奔宋費無忌言於王曰伍奢有二子皆賢不誅且為楚憂

可以其父為質而召之王使謂奢曰能致二子則生不然則死奢

曰臣有二子長曰尚少曰胥尚為人慈温仁信若聞臣召必來胥

六合縣續志稿

卷十二 人物上

一

為人少好於文長習於武執剛守戾蒙垢受恥雖冤不爭能成大  
事此前知之士安可欽耶王不聽即遣使者駕駟馬封函印綬往  
召子尚子胥令曰賀二子父奢以忠信慈仁去難就免楚王內慙  
囚繫忠臣外愧諸侯之恥反進奢為國相封二子為侯尚賜鴻都  
侯胥賜蓋侯相去不遠三百餘里奢久囚繫思見二子故遣臣來  
奉進印綬尚曰父繫三年中心怛食不甘味嘗苦饑渴晝夜感  
思憂父不活惟父獲免何敢貪印綬哉使者曰父囚三年王今幸  
赦無以賞賜封二子為侯一言當至何所陳哉尚乃入報子胥曰  
父幸免死二子為侯使者在門兼封印綬汝可見使子胥曰尚且  
安坐為兄卦之今日甲子時加於已支傷日下氣不相受君欺其  
臣父欺其子今往方死何侯之有尚曰豈貪於侯思見父耳一面

而別雖死而生子胥曰尚且無往父當我活楚畏我勇勢不敢殺兄若誤往必死不脫尚曰父子之愛恩性中出徼倖相見以自濟達於是子胥歎曰與父俱誅何明於世冤讐不除恥辱曰大尚從是往我從是決尚泣曰吾之生也為世所笑不能報讐畢為廢物汝懷文武勇於策謀父兄之讐如可復也吾如得還是天祐之其遂沈埋亦吾所喜子胥曰尚且行矣吾去不顧勿使臨難雖悔何追旋泣辭行與使俱往楚得子尚執而囚之復遣進捕子胥不及奢聞子胥之亡曰楚之君臣且苦兵矣尚至楚就父俱戮於市子胥奔宋從楚太子遂適鄭太子與晉謀襲鄭鄭殺楚太子子胥還奔吳過楚壞至昭關楚購亡人急晝伏夜行至江遇漁父得渡至吳知公子光有異志乃退耕於野求勇士薦之公子光欲以自媚

六合縣續志稿

卷十一

人物上

二

得勇士專諸

專諸棠邑人也子胥之亡楚如吳時遇於途專諸方與人聞將就敵其怒有萬夫之氣甚不可當其妻一呼即還子胥怪而問其狀何夫子之怒盛也聞一女子之聲而折道甯有說乎專諸曰子視吾之儀豈類愚者何言之鄙也夫屈一人之下必伸萬人之上子胥因相其貌確類而深目虎膺而熊背知其勇士陰結之欲以為用遭公子光之有謀也而進之公子光禮以為上客曰天以夫子輔孤之失根也專諸曰前王餘昧辛僚立自其分也公子何因而欲害之乎光曰前王壽夢有子四人長曰諸樊則光之父也次曰餘祭次曰餘昧次曰季札札之賢也將卒傳付適長以及季札念季札為使亡任諸侯未還餘昧卒國空有立者適長也適長之後

即光之身也今僚何以當代立乎專諸曰何不使近臣從容言於王側陳前王之命以諷其意全知國之所歸何須私備劍士以捐先王之德光曰僚素貪而恃力知進之利不覩退讓吾故求同憂之士欲與之併力惟夫子諭斯義也專諸曰願公子命之光曰時未可也專諸曰凡欲殺人吾必求其所好吳王何好光曰好味專諸曰何味所甘光曰好嗜魚之炙也專諸乃去從太湖學炙魚三月得其味安坐待公子命之王僚十二年夏四月丙子光伏甲於窟室中而具酒請王僚王僚使兵陳自宮至光之家門戶階陞左右皆王僚之親戚也夾立侍皆持長鉞酒既酣光陽為足疾入窟室中使專諸置匕首魚炙之腹中而進之既至王前專諸擘魚因以匕首刺王僚王僚立死左右亦殺專諸王人擾亂光出其伏甲

六合縣續志稿

卷十二

人物上

三

以攻王僚之徒盡滅之遂自立為王是為闔閭闔閭乃封專諸之子毅為上卿子胥卒相闔閭入楚復父之仇金陵通傳

宋阮長之字景茂一字善業尉氏人

晉安帝改堂邑置尉氏僑縣隸秦郡歷宋齊梁陳至隋開

皇四年始改尉氏為六合宋書南史均作陳留尉氏攷兩漢晉尉氏均隸陳留後魏興安初併尉氏於苑陵大安二年復置改隸開封是南北朝尉氏已不隸陳留阮氏世為南朝貴族其必為僑置尉氏人無疑金陵通傳以尉氏當今六合地是也 祖思曠

晉金紫光祿大夫父普驃騎咨議參軍長之年十五喪父有孝性每悲哀感路人服除後猶蔬食積年間居耽學未嘗有情容初為諸府參軍母老求補襄垣令督郵無禮鞭之去職宋初為武昌太守時王弘為江州雅相知敬引為車騎從事中郎元嘉九年遷臨川內史以南土卑濕母年老非所宜辭不就十一年除臨海太守在官常擁敗絮至郡少時母亡葬畢不勝憂十四年卒時郡縣田

祿以芒種為斷此前去官者則一年秩祿皆入後人長之為武昌太守時在元嘉初及去郡代人未至以芒種前一日解印綬初發都親故或以器物贈別得便緘錄後歸悉以還之為中書郎直省夜往鄰省誤着屐出閤依事自列門下以閤夜人不知不受列長之固遣送曰一生不悔閤室前後所蒞官皆有風政為後人所思宋世言善政者咸稱之文帝深惜之曰景茂方堪大用豈直以清苦見惜子師門原鄉令長之從兄萬齡黃門侍郎寧子也少知名自通直郎為孟昶建威長史與袁豹江夷相係人謂昶府有三素望尋由左民尚書出為湘州刺史卒於散騎常侍金紫光祿大夫宗人韜字長明仕宋為南兖州別駕刺史江夏王義恭逆求資費錢韜曰此朝廷物執不與孝武選侍中四人並以風貌韜與王彧

六合縣續志稿

卷十一

人物上

四

謝莊何偃與焉

梁阮孝緒字士宗尉氏人父彥之宋太尉從事中郎以清幹流譽孝緒七歲出繼從伯肩之肩之母周氏卒遺財百餘萬應歸孝緒一無所納盡以歸肩之姊琅琊王晏之母聞者咸歎異之乳人憐其傳重辛苦竊玉羊金獸等物與之孝緒見而駭愕啟彥之送還王氏幼至孝性沈靜雖與童兒遊戲恒以穿池築山為樂年十二徧通五經十五冠而見其父彥之誠曰三加彌尊人倫之始宜思自勗以庇爾躬答曰願迹松子於瀛海追許由於穹谷庶保促生以免塵累自是屏居一室家人莫見其面親友因呼為居士年十六父喪不服綿纊雖蔬菜有味亦吐之外兄王晏貴顯屢至其門孝緒度之必至顛覆聞其笏管輒穿籬逃匿不與相見及晏誅親

戚咸為之懼孝緒曰親而不黨何坐之及竟獲免齊建武末青溪宮東門自崩大風拔東宮門外楊樹孝緒歎曰青溪皇家舊宅齊為木行東為木位今東門自壞木其衰矣及梁武兵圍建業家貧無以爨僮妾竊鄰墓樵以繼大孝緒知之乃不食更令撤屋而炊所居以一鹿牀為精舍樹環繞之嘗出鐘山聽講母王氏忽有疾心驚而反合藥須得生人葠舊傳鍾山所出孝緒躬歷幽險累曰不逢俄見一鹿潛行隨至一所而滅就視果獲此草今所傳隨鹿谷是也天監初任昉尋其兄履之欲造不敢望而歎曰其室雖邇其人甚遠自是欽慕風譽者莫不懷刺歛衽望塵而息比部郎裴子野言其年十餘歲時隨父為湘州行事不書官紙以成親之清白其志行類管幼安其采章似皇甫謐薦於尚書徐勉後祕書監

六合縣續志稿

卷十二

人物上

五

傅照又疏舉之徵解並不到孝緒姊為鄱陽王妃王嘗命駕欲見之孝緒鑿垣而逃王諸子亦不之識或問其故孝緒曰我本素賤不應為王侯姻戚邂逅所逢豈關始願年五十八卒太子綱厚賻之子恕述先志不受門徒私諡曰文貞處士撰有七錄削繁等百八十一卷高隱傳三篇

陳阮卓尉氏人祖詮梁散騎侍郎父問道岳陽王記室參軍卓幼聰敏篤志經籍尤工五言性至孝父卒於江州時年十五自都奔赴絕水漿者累日還渡蠡湖中流遇風仰天悲號船僅得全陳天嘉元年為新安王記室參軍隨府轉翊右記室帶撰史着士及平歐陽紇交阯夷獠往往聚為寇抄卓奉使招慰交阯通曰南象郡多金翠珠貝珍怪之產前後使者皆致之惟卓挺身而還人服其

廉後為始興王中衛府記室參軍叔陵以亂誅後主曰阮卓素不同逆宜加旌異至德元年入為德教殿學士尋兼通直散騎常侍聘隋隋主夙聞其名遣顏之推薛道衡等與卓談宴賦詩賜遣加禮還除南海王諮議參軍以目疾辭退居里舍改構亭宇修山池卉木招致賓友以文酒自娛陳亡入隋行至江州追感其父沒所邁疾卒以上數傳採金陵通傳補

趙宋白璞字仁甫一字太素號蘭谷六合人原籍真定父寓齋佚其名為金樞密院判官世亂父子相失嘗鞠於元好問家得其指授金亡後被薦不出未幾徙居六合按四庫題要作徙居金陵攷合人雍正志載明有白榮為餘姚常豐倉大使疑即其後放浪詩酒尤精度曲所作詞清雋婉逸與張炎玉田詞相伯仲第為製曲所掩故詞名不大著著有朝

### 六合縣續志稿

### 卷十二

人物上

六

野新聲中和正韻天籟集

採四庫題要

元成廷珪字原常一字禮執六合人

按四庫題要元詩選均作揚州人攷其時六合屬揚州廷

珪居六合白馬鄉明初折六合孝義白馬二鄉為江浦地今白馬鄉成姓聚族而居皆其後也

性嗜學不求仕進

惟以吟詠自娛奉母居市廛植竹庭院間頗有山林意趣因扁其燕息之所曰居竹軒晚遭世亂避地吳中卜居松江年七十餘卒著有居竹軒集四卷廷珪與河東張翥友善一時名流如楊維禎危素揚基李黼余闕張雨倪瓚皆與廷珪酬唱採四庫題要金陵通傳

明胥自勉字成甫六合人補國子生好客携家渡江築室雞籠山枕鍾阜襟後湖名其園曰五柳居樓曰四照樓與諸名流往還倡和結詩畫之社賓朋滿座時自勉吐屬出人意表居恒惡俗子為富貴客及齷齪小禮者意所不合輒割席分坐諸貴介時延訪之

不之拒然終無所攀附後就宕渠幕僚地產奇花吟玩自適嘗自笑曰古有吏隱風流罪過竊所自甘其任達如此胥氏自白門徒籍棠邑者惟自勉一支自勉子字字西臣崇禎十二年恩貢少有才名卒不獲一第順治初與孫石君阿滙兄弟同修邑志著有古

香堂文集

採采萬鍾胥成甫墓志銘金陵通傳

吳宗周字從先號思喬年十二喪父事後母以孝聞家貧棄學經商浦口得餘財為人贖罪李千戶荒飲奸人乘醉竊所署印行詐事覺連擬城旦春行斃獄宗周廉其枉為代贖之凡贖人之子若女得復為平民者不可勝數浦瀕江風濤險惡每風作時以急棹往來中流多所拯溺一夕宗周渡江宿於舟心動亟易他舟歸俄風作所宿舟覆宗周懸金募救墮水者皆得不死浦城久失修半

### 六合縣續志稿

### 卷十二

人物上

七

圮於江宗周奏記當道曰城受水激則勢不敵即幸成而臨江賊以巨艦乘之固難守請先為堤以捍外外堅則城可完久於是吏協謀屬以董成徵器用辦工材稽出納考勤惰不日而兩工告成宗周之功為多其他修橋梁營名勝活饑饉諸善舉宗周咸勇為之晚年學佛精探內典子嘉禎字源長天啟七年舉於鄉崇禎丁丑成進士官至布政司參議母朱有病嘉禎嘗割股調湯進病良已黃道周謂孝子刲股而成進士自吳源長始是也

採黃道周吳公墓表陳子

龍思橋吳公傳徐汧處士吳公墓志銘

清汪鉉字爾調號耐庵諸生母有疾顛天刲股願以身代與弟析產一任所取生平篤志於學好積書於經史理學靡不究心為文雄渾灑瀚與上元朱嗣宗先生為友與同邑袁漢推朱阜公湯天

邑共結詩社自己卯至戊寅六十年所作詩千數百首晚年杜門  
甘淡方正自持邑侯洪繩齋以鉉長於史才士林推為冠冕聘修  
邑志文核事該名流首肯年九十二卒後錢菊庵學師諡為懿  
孝著有易經蠡測十六卷耐庵文集十二卷澄思堂集吞海樓詩  
文稿子惺字立方號醒齋亦諸生性嚴正不與外事惟事吟詠著  
有嶺雲草覆瓿草雞肋草息靜草梅軒新草紀年詩花癖吟憎蟲  
詩虛名詩科歲兩試諸游草凡六百餘首鉉族裔孫經球字崑圃  
咸豐元年恩貢天懷超淡亦喜吟詠嗣宗裔孫緒曾嘗渡江來訪  
與訂通家之好焉金陵通傳謂經球死粵寇之難誤著有白雲軒稿採金陵通傳汪氏家乘  
閨秀吳氏名懷鳳字梧閣桐城籍六合諸生汪渭之室年二十五  
而寡工詩善書好讀歷代史傳有通人之識有女一謝爰適遼東

六合縣續志稿

卷十二

人物上

八

李仲宣亦能詩未幾壻女俱亡懷鳳益無聊賴愈窮而詩愈工所  
著棲梧閣集湘潭陳恪勤公鵬年序之謂其思深而幽氣渾以厚  
與二姜諸媛先後輝映長洲沈德潛選別裁集錄懷鳳詠史詩數  
首歎其以女子組織史事為難得懷鳳之詩出入於古人門徑以  
氣韻見長冷豔幽香尋味不盡殆近世才女之冠也著有棲梧閣  
北鴻吟嬾吟泣玉集梧閣詩餘

採國朝詩別裁集金陵詩徵汪氏詩鈔

補遺

劉體君字懷宇原籍陝西清澗人有勇略順治初由行伍屢功至遊擊從征巴蜀擒潼川搖黃賊敗滇寇劉文秀十八年圍小城寨偽伯楊秉允降康熙元年敗賊於羊兒山二年圍西山賊於陳家陂擒逆首郝搖旗等授都司僉書旋調守湖廣平茅麓山賊十年陞副將更調寧都時逆藩吳三桂耿精忠相繼叛閩逆偽將軍賈振魯由黃竹嶺入寇陷石城復糾賊黨黃冬生犯寧都招降體君兵民搖動體君叱曰今日之寧都即昔日之睢陽也堅守不出援至遂先士卒衝鋒殺賊尋復石城賊黨李復生謝士禮等又自廣昌頭陂至寧都連壘一百二十餘里體君攻之擒斬無算十四年追賊於寧化盡焚其壘破賊黨朱明李文英等於崖石古夏等處

六合縣續志稿

卷十一

人物上

九

招降偽將楊聚魁等時賊據瑞金縣體君於除夕計克之十七年陞都督同知管江西九江協副總兵官事後致仕寓潯陽卒體君身歷數十戰皆以奇謀克敵有古名將風子煥襲都司改潛江令克承先志云

乾隆志

右一人舊志列事功而前志刪之武仕官表復載劉體君封廕表又載體君之祖父及子孫不知如何遺漏此傳今補

陳燮字公叔崇禎丙子武舉以習火攻擢神樞營游擊燮年十九妻林氏早亡生子彌月義不再娶四十載如一日順治十五年邑人公呈巡按劉旌表

雍正志

其後有戴國瑞者武舉捷之祖年二十三

喪偶歷數十年不娶又有時珍字錫公妻談氏亡珍年甫二十四

以親老子幼恐續娶不得其人矢不再娶邑人義之

乾隆志

右三人舊志列義行前志刪之按男子之義不再娶與女子之誓不再嫁一也既有子以續宗祀不蹈孟子無後之譏守身如玉是亦志行之卓卓者陳燮等三人以盛壯之年守終身之義詎不足式淫靡挽薄俗哉黜而弗錄其亦未聞曾參王駿之風也乎

韓詩外傳曾參喪妻不更娶人問之曰以華元善也漢書王駿妻死不娶或問之曰德非曾參行非華元何敢再娶後漢楊秉朱暉魏志管寧唐書王維皆以不再娶見於史傳